

湖北旅沪同鄉會紀事

1/2

0.70

民國四年冬月

湖北  
旅滬


同鄉會紀事

寶善堂珍藏



3 1773 3146 3

MOT  
112962



湖北旅滬同鄉會紀事目錄

齊安汪逸民幼蘭校

會 啟

簡 章

職員一覽表

武昌省圖

黃鶴樓圖

晴川閣圖

上海湖北會館圖

肖 像

(附上海沿革表)

名譽會長陳仁先先生	正會長關綱之先生	副會長胡召南先生
副會長陶理堂先生	幹事長易楠楨先生	評議長彭選青先生
理事長韓幼亭先生	會計長劉萬青先生	庶務長劉奎臣先生
文牘長汪逸民先生	幹 事胡小村先生	幹 事盧星階先生
評 議杜向青先生	評 議孫植品先生	評 議李明輔先生
評 議劉祝堯先生	評 議趙貢之先生	會 員曹東川先生

序

文

陳仁先生序

易楠楨先生序

杜向青先生序

彭選青先生序

劉祝堯先生題辭

關綱之先生序

孫植品先生序

韓幼亭先生序

盧星階先生序

胡召南先生序

(附湖北輿圖沿革並跋)


陶理堂先生序

汪逸民先生序

胡小村先生序

李明輔先生序

議 告 崇  
通 告  
徵 信 錄  
胡召南先生書後記



湖北旅滬同鄉會啟 (簡章并職員表附)

蓋聞恭桑敬梓載在毛詩會友輔仁見之魯論古聖垂為訓誥後世奉為典則  
會館之興實具茲義吾鄂居天下之中扼水陸之要北接黃河南界洞庭東眺豫章  
西連巴蜀梗楠杞梓夙號多材齒革羽毛競稱作貢人才之盛物產之豐有自來矣  
惟武漢居大江之上游滬瀆為入海之總匯交通便利一葦可航貿易繁興萬商雲  
集主客相忘於異地吳越幾視為一家海上寓公既多楚產城西勝地遂卜神居歲  
已丑公建湖北會館禹王殿於上邑之高昌廟法至良意至善也辛亥以還武漢多  
故歷歷晴川鞠為茂草鱗鱗漢市化作烽煙視滬淞為安樂之窩慨荆楚多流離之  
士急何能擇且住為佳肩吾之適會稽良有以也茶村之隱建業豈偶然哉今者人  
心思治天聽在民破壞既終建設伊始滿蒙回藏尚若同胞江漢滌漳安容異視但  
滬市廣數十里鄂僑逾數萬人會館既僻在偏隅聚晤殊難得善地 同人等有鑒於  
此擬擇適中地點設一同鄉會先集各幫董首若干人准每星期三句鐘到會一次  
共同組織進行務期盡美盡善所以聯鄉誼輸智識謀社會之改良冀趨文明之極  
軌也夫彌天之雲起於膚寸大河之水始於濫觴萬石之鐘無以叩之則不鳴千鈞

之弩無以激之則不發所望各界名公商場領袖見義勇為當仁不讓各盡一分子  
之天職為結大團體之先聲則同人等今日之發起不過雲之起於膚寸水之始於  
濫觴弩之激於弦機鐘之鳴於莛叩云爾

湖北旅滬同鄉會簡章候

酌

### 第一章定名

(一)本會為全鄂旅滬者組織故定名曰湖北旅滬同鄉會

### 第二章宗旨

(一)本會以聯絡鄉誼共謀公益為宗旨

### 第三章會員及會友之資格

(三)(甲)籍隸湖北(乙)確有執業(丙)成年之男子

### 第四章職員

(四)會長一人總理一切事務

(五)副會長二人襄理會務正長如有事故不克到會公推副會長代理正長之職務

(六)名譽會董(不限數)維持會務及贊助會內一切事宜

(七)評議員各業各推一人業大者酌添至二三人為全會代議機關評判一切應與應革之事

(八)幹事員調查員照第六條規定

(九)文牘員二人專司華洋文牘信件每會作會務報告一次另延書記一人繕寫及收發文件

(十)會計員一人經理欸目出納每月報告一次庶務員一人專司一切庶務

### 第五章選舉

(十一)本會選舉法投票開票規則臨時另定之

(十二)本會會員及會友皆有選舉權及被選舉權

(十三)每年陽歷九月第一星期開大會舉行選舉

### 第六章會期

(十四)每星期下午三時至四時開常會一次議決會務

(十五)臨時會無定期祇於兩日前備通告書邀集全體提議事件



第七章會費

(十六) 發起員先納會費四元贊成員先納會費兩元此外仍遵會章凡會員納入會費兩元常年費兩員會友納入會費一元年費一元

(十七) 凡有熱心贊助會費者本會認為特別捐助費并得認為名譽會董

第八章會務

(十八) 凡維持職業和解爭端救濟急難應行義舉各事宜本會得開議提倡

第九章附則

(十九) 此章程有未妥之處由大會時提議修改之

(二十) 以金隆街長餘里四十七號為會場

發起人

- |     |     |     |     |
|-----|-----|-----|-----|
| 劉摺三 | 劉祝堯 | 虞星階 | 劉漢濱 |
| 易楠楨 | 王福堂 | 李明輔 | 易文齋 |
| 陶理堂 | 劉萬青 | 杜向青 | 徐金山 |
| 彭選青 | 汪逸民 | 趙貢之 | 孫植品 |
| 胡召南 | 韓幼亭 | 蕭海洲 | 鄭克臣 |
| 李紫雲 | 胡載卿 | 彭玉田 | 劉季五 |

湖北旅滬同鄉會職員表

◎會長

名譽會長陳曾壽仁先

正會長關 炯 綱之

贊成人

孫松年	梅叔山	劉奎臣	陳仲簡	陳仁先	關綱之	程慎修	張映亭	嚴朗齋	徐繡菴	胡翰臣
胡鳳山	王少田	胡蔭珊	程鶴墀	胡小村	劉榮丞	張瑤琨	鄭玉田	劉晦然	李青臣	黃映奎
彭春舫	杜榮丞	王少蘋	毛金山	馮鑑堂	高和生	張文軒	劉竹青	胡勉伯	彭仲珊	
徐鶴笙	戴敬夫	徐錫哉	高裕亭	胡柏亭	彭梅生	葉達三	陳虞卿	蘇晉卿	羅彥之	王正興

副會 長胡仁壽 召南

副會 長陶鴻鈞 理堂

◎幹事

正幹事 易楠楨

幹事 劉搢三

幹事 陳農先

幹事 胡召南

幹事 劉晦然

幹事 盧星階

幹事 胡小村

幹事 劉漢濱

◎評議

正評議 彭選青

評議 劉祝堯

評議劉萬青

評議杜向青

評議李明輔

評議徐金山

評議孫植品

評議李爵五

◎理事

正理事韓幼亭

◎文牘

正文牘汪逸民 幼蘭

◎會計

正會計劉萬青

會計易文齋

◎庶務

正庶務劉奎臣

庶務蕭海洲

◎調查

政學界調查陳曾疇

政商界調查劉摺三

普 通調查高裕亭

普 通調查彭春舫


附啓者同鄉熱心入會諸友及各業商董台銜此次未及列入者彙歸下次一覽表刊佈

又所助之特別捐及入會金收付均由會計員年終報告到會由會刊徵信錄宣佈

武 昌 省 城 風 景 圖



黃鶴樓之風景圖



晴川閣之風景圖





影 攝 之 館 會 北 湖 海 上



乙卯十月二十四日勦受同鄉會易世伯楠楨及各公屬攜技師赴上海高昌廟湖北會館攝其規模風景影片附刊是日由會館董事劉萬青韓幼亭兩世伯監攝勦亦與焉勦伏查上海名稱初見於元史地理志汴地為禹貢揚州陝天文斗分野春秋屬吳吳滅屬越越滅屬楚楚望黃歇於此號曰春申君秦屬會稽郡東漢魏晉皆屬吳唐屬蘇州五代屬秀州元割華亭東北五鄉為上海此上海見於志堯之亂也明嘉靖三十二年建城清因之道光二十二年與英國訂通商條約乃繁盛湖北會館建於光緒己丑而同鄉會剿成立於今勦後學也恭陪杖履又承嚴命敬誌於斯以俟明詒

黃陂胡勦敬誌並書

乙卯十月二十四日勸受同鄉會易世伯楠楨及各公屬攜技  
師赴上海高昌廟湖北會館攝其規模風景影片附刊是日由

名譽會長



靳水陳仁先生

正會長



漢陽關之先生

副會長




黃陂胡召南先生

副會長



麻城陶理堂先生

長事翰



生先楨南易城麻



評議長



彭選青先生

理事長



韓幼亭先生

會長



黃陂劉萬青先生

長務庶



生先臣耆劉

文牘長



黃岡汪逸民先生

員事幹



生先村小胡

員事翰



生先階星盧


評議員



杜向青先生



評議員



孫植忠先生

評議員



李明輔先生

評議員



劉祝堯先生

評議員



趙貢芝先生

員會



曹東川先生

員會



李紫雲先生

天生萬物以供兆庶之用暴之固非所宜守太倉而啼飢亦大  
愚也吾鄉

李君紫雲稟賦奇異才無所洩乃以振興實業為己任首建湖  
北第一紗廠此外行商坐賈舟車疊跡猶餘事也如君者可謂  
善體天生萬物以供兆庶之意今之守財不知利濟羣生者能  
無愧乎

長至日易楠楨杜向青兩君攜來李君紫雲影片並劉君季五魏君贊襄入  
會捐第同鄉會紀事錄石印次序已全無從列及商之手民附加於此

黃陂台南胡仁壽題

庶務員



蕭海洲先生



庶務蕭君海洲影片於十二月十五號始到本會紀事之目錄已不及載也

黃浦帶江襟海番舶麇來屏蔽東  
南樞捩中外楚吳接壤一羣可抗吾  
鄉服賈之家率僑茲土薦紳君子二  
卜宅鄰意在取用精宏見聞奇偉  
雲從壑委有由來矣然而草木參差  
萍水汗漫議論之槐載道會同之芾  
不居咫尺匪遙山河俱邈盍簪之義睽  
馬闕如易楠楨陶理堂諸先生慨念

同羣慎謀雅集築新壇於舊館浚  
後軫於前車製曲迎神酌匏序齒  
里分梓蔭曹叡交權室有芝芴荀  
陳合德多黍多稌穆然幽蛄之風  
成邑成都翕如魯鳩之慶扶我鸞湖  
之醉客不離社裏於榆隄并州為故  
鄉奚必見時游釣遂令瓊駢永好  
臺卜中興題漢上唱和之襟墨痕片

闡宜城冠蓋之里珂珮聲。此所謂  
里舍如初毋忘晏嬰之屨比耦相保  
莫勾韓起之環者也。曾壽 歷劫殘灰  
化少餘影撫黑貂而墮涕向黃鶴而  
墮神為尋梅尉于吳中遂蹈仲連  
于海上偶蒙光寵六祝心香山桂慚郁  
烈之馨岑苔泯異同之感雲臺置南  
陽故舊窅窅寫佳士真桃源永東晉

壺觴不為外人道

乙卯月新水陳曾壽記

聞之衆向曰鄉釋名之大義無徵不信說禮之精言今吾鄂旅滬同鄉會徵求特別捐款即將認捐諸公小影製為銅印著之於錄顏曰徵信於以表衆向信久遠意甚盛也抑炳於銅印小影別有感焉夫情睽則共一室而相忤道合則隔千載而彌親孔子嘗見唐堯於羹墻見周公於夢寐蓋望古人而未之見學思專一真積力久始得形於羹墻夢寐然雖感而遂通暮年猶有甚矣吾衰之歎良由古無留影之法也今印行小影登之著錄不但天各一方者形神無間即曠代而下亦開卷瞭然張志和云我以天地為蘆廬日月為燈燭與四海諸公共處未嘗相隔議者且侈為達人之見使早知攝影著錄可以聚異代四方於一堂幾何不自笑其辭費哉同人別出心裁著為此錄於以表彰熱心公益之風義而介通相見恨晚之氣求結古歡於同揆篆深情而遙契詩曰在彼無惡在此無射記曰至誠無息不息則久久則徵又曰君子不動而敬不言而信同人之意其在

斯乎又聞一言為智一言不智炯自知不智何敢有言然既從鄉先生後  
與聞會事不敢藏其不智而遂無言時民國四年乙卯漢陽關炯謹序

# 旅滬湖北同鄉會弁言

二十世紀中西風東漸始有團體之名義稱國人曰同胞而同省同府之人昔有大同鄉與同鄉之別同鄉聚會則設會館幾遍國中因時遞異遂有同鄉會之稱以名義言聯鄉誼耳其實如西人所謂以一小團體結成一大團體者也是會之設非徒以聯鄉誼尤足以增進社會之幸福何以言之蓋同里之人且有少長不相識之苦推而至一府一省其相去又幾何哉鴻鈞鄂人也旅滬日久見同鄉之來者官商軍學農工各界歲有所增吾鄂二十年前已有會館今則僅具形式良以鄂省幅員遼濶團體為難蘄水陳君仁先漢陽關君細之等怒焉憂之於是有湖北旅滬同鄉會之組織鴻鈞亦與焉嘗聞昔人云以天地為逆旅光陰為過客深有慨乎其言人生寄諸天地間處處皆為逆旅所惜者分陰耳大丈夫之志在乎立德立言立功三者而已今吾於斯會亦云然顧是會之成立吾全鄂同



胞咸于于來歸千里睽違晤言一室或互相提絜或濟困扶危凡屬慈善  
事業亦應次第設施是謂立德人生智愚不等以智者而開愚蒙或者書  
立說提倡工藝或疏通界限以達下情是謂立言至若聯各界以宏商業  
集鉅貲以開工廠俾人各有事國無游民是謂立功古稱為三不朽信不  
謬也願來會可愛之父老昆弟咸以三不朽為範圍各盡其心毋畏難而  
苟安毋始勤而終怠庶幾小團體結成一大團體可免西人目為散沙之  
誚此則鄙人瓣香三祝者也民國四年八月麻城陶鴻鈞謹識

鄉也者一國之縮影片國也者一鄉之放影片也今試責人曰爾胡不愛鄉爾胡不愛國未有不拂然怒者而權其本末先後之序則愛國要必自愛鄉始 楨籍楚鄂之光黃其地多異人多世族多曠土宜稼穡產木棉絲麻葉煙原料為出口大宗近世歐化東漸士子研究科學畢業東西瀛者比比焉 楨懋遷于滬近三十年矣夫人生長於其鄉親戚故舊朝夕與居習焉而不察一旦離鄉異井非但朝夕與居之人往來於心而不能去即沉沉悠悠漠不相關之輩亦時有聞鄉音而動故里之思者習居則相忘索居則相慕邂逅之遇較梓里之周旋為更切恆情大抵然也滬西舊有湖北會館地僻而道遠非春秋兩祀無至者今年春鄉人另擇適中之地設一同鄉會舉名譽正長各一副長二其餘執事維備以聯鄉誼至仁也以淪智識至明也以廣思益至公也抑楨更有進者自西儒創天演之論優勝劣敗之公理無所逃於世其國人乃迅起直追言保種言愛國言合


羣在在以人定勝天之說持之至其借商戰以弱人之國家也則又孜孜馬廓市場組公司講製造揣摩異邦人心嗜好風尚之所趨而迎合之使之入其彀中而不覺即覺之而亦莫能自脫也彼豈自愛其鄉而不愛人之鄉自愛其國而不愛人之國哉抑不如是不足以膨漲其民族之勢力也滄商英俄德法舊各有會近且聯合十三國為一會其注意商戰如此我國睡獅初醒漸知團結散砂之恥吾知免矣雖然一鄉之團結易一國之團結難我鄂人勿以其所易者自足以其所難者自廢焉國其庶有瘳乎茲當暑假閉會之期會長命同人序言以弁徵信錄且徵影片以誌紀念願不學無文謹貢其所欲言者以應命乞 諸君子教而政之所厚望焉持在乙卯六月季夏也麻城易國楨

怪陸離之狀不絕於目洵中國一大市場也吾楚居長江上游浩浩蕩蕩  
順流而下朝宗於海懋遷之子縉紳之士咸萃於斯蓋其地北走京師南  
接閩粵爭名者於朝爭利者於市勢使然歟模營業蘇閩支分滬上往來  
三十年矣每念若大市場以吾楚人之多而不能設一同鄉會心竊異之  
其後模董蘇州湖北會館有年歲辛亥革命事起天動地爰居民多流離  
失所為設同鄉保衛會義取厚鄉誼振貧乏撫流亡越明年一再蠢動勢  
將中散又定名為同鄉會勉力持之綿綿延延僅以不墜乃歎是區區者  
功幾敗於垂成而况滬市之大全楚僑民之衆而欲一一團結之安集之  
談何容易耶今年春因事之滬適鄉人組織同鄉會舉陳先生仁先名譽  
長關先生綱之正會長胡君召南陶君理堂副之四君子或以政事名或

以學術名或以幹練名其他理事幹事文牘會記庶務皆一時之選模亦從諸君子後忝列評議之末自春徂夏開會十五議有案職有表後先有序彬彬然日興月盛凡紳學商工各界皆與焉記曰其人存則其政舉乃歎茲會之所以遲遲不舉或舉之而不克底於成者良以難得其人故也夫以難得之人而竟得之難舉之事而竟舉之竟成之然則吾輩於茲會當何如擁護而鞏固之於茲人當何如寶貴而推重之也哉嗚呼此固非余一人之私言矣比值暑假休息之期會長命同人序言且徵影照刊登徵信錄蓋紀實也模不文序而歌頌之以見志深望茲會推而大之不遺在遠俾吾旅蘇鄉人聯絡一氣與嚮者區區保衛鄉里之意相吻合焉是又模所殷殷切禱者爾頌曰

莽昫昫之禹甸兮劃江漢以為荆納大龜與象齒兮厥篚貢夫元纁地既靈而人傑兮啟山林於筆輅若教蚡冒之光於前兮天方授楚而眷顧彼

鬻熊之師文王兮後又啟夫靈均雖九鼎未定於周室兮三戶輒舉以亡  
秦洎襄陽以詩鳴唐兮明又以江陵為賢相廷弼之經畧遼陽兮孤忠至  
今而悽愴翳惟楚之多材兮羌更僕而難終吾不暇遠引而近舉兮聊前  
席而從容溯洪楊之擾攘兮竄金陵以竊踞憑長江之天塹兮夫何不能  
逃楚人之一炬歎治亂之循環兮倏甲子之一週混五族使共和兮載陽  
夏其首途攬吳頭與楚尾兮朝發軔而夕至袂成雲而汗成雨兮紛鄂僑  
之需需彼歐化之東流兮嗤亞東如散砂務團結以固本根兮甲折朕兆  
以萌芽譬同舟而共濟兮化胡越為兄弟况生同方而長同游兮胥吾父  
老與昆季維乙卯之孟春兮成嘉會于滬濱慶首事之得人兮合萬衆而  
一心彷彿煙之圖畫兮真寧寫夫佳士法左史之記言兮又將各暢乎厥  
志吾聞雲之起於泰山兮僅膚寸之鱗鱗不崇朝而徧天下兮吾將於斯  
會而亦云乙卯八月孝感孫楷模植品謹識



湖北旅滬同鄉會徵信錄序

民國四年乙卯春湖北旅滬同鄉會成立秋同人擬刊徵信錄 會長命同人序言且徵影片製為銅版印之卷首以誌不忘逸民謹拜手而進言曰紀事之謂錄實而有徵之謂信徵信云者錄其可信以傳於後世之詞也其大者上紀歷代帝王之相傳與其臣工之賢否政治之隆替歷數之短長以及為統治為偏安一徵信錄也次之紀一國之山川人物土田疆界以及物產之奇特民情風俗之異同純駁一徵信錄也次而紀一省亦如是紀一府亦如是紀一縣亦如是又次而紀一族一家亦莫不如是是故國有史省有志府邑有乘族有譜家有傳皆徵信錄之類也然而皆不得謂之盡信何也史拘成王敗寇之例於其國之忌諱則不書書則未有不賈禍者陳壽之帝魏以仕晉故崔浩之赤族以直書故何信耶省府縣志於其所屬則多鋪張揚厲之辭往往一名賢一勝跡此爭彼執各筆之




於記使後之人愴恍迷離不能定其何屬蓋數數觀也何信耶族譜家傳則為人之子孫者孰不欲褒揚其祖父甚或其勢盛則屠牧亦有誌銘其勢衰則奇行亦多湮沒直拘如退之百世而下猶不能免諛慕之譏而況乎其他何信耶夫史也志也乘也族譜也家傳也皆徵信錄之類也其不可盡信也蓋如此然則吾同鄉會之記事何為而信之又何為而錄之耶曰同鄉會之記事非史無君臣貴賤之分故無忌諱非志乘無此疆彼界之爭執故無鋪揚非譜非傳無屬毛離裏之私恩故無諛詞溢美無忌諱則非史而勝史無鋪揚則非志乘而勝志乘無諛詞溢美則非譜非傳而勝譜勝傳史也志乘也譜傳也不可勝勝史勝志乘勝譜傳之文乃在此無忌諱無鋪揚無諛詞溢美直質記事之湖北旅滬同鄉會然則吾為何而不信之何為而不錄之又何為而不傳之耶為序而傳之

贊曰夫人游覽山川景物之狀態與夫居處交游之悲歡離合以及一頓

笑一語言一性情之各異其趣雖造物之巧不能窮形盡相使畢現於俄頃之間而惟騷人墨客抽擢肝腎託之文字能使永聚之而不散今試讀子美退之之詩文非但流連景物之狀態刻畫靡遺即其所與居處交游之性情語言笑貌令人於言下得之一若親與之接者無他其情真故其言之親切有味如是也今吾同鄉會諸君之各抒胸臆雖未足語於子美退之之流而其悱惻纏綿之意惓懷桑梓之情亦時流露於語言文字之間而不自覺固不必總總然恃銅版影照之僅以形相傳也然使讀是書者覽其文瞻其像即其流露於語言文字之間者而印證之又不要讀子美退之之詩文若親與之周旋揖讓於其間也嗚呼何其盛與何其盛與

民國四年乙卯秋

黃岡幼蘭汪逸民撰



蓋聞丈夫之志原不阻於四方客子之情恆相憐於異地當民國權輿之  
歲正我楚兵燹之年紳商各界遷徙滬上者不知凡幾或錯居里巷或雜  
處市廛雖曰同人其志猶渙也雖曰樂土其情未融也我 正長等有鑒  
如此以為四海皆昆季矧生同里而長同游千里尚溯洄矧招即來而呼  
即應必客中無悲萍水斯市裏乃具桃源爰設同鄉之嘉會為結團體之  
先聲組織完善簡章燦著一時鄧僑羣然遂相忘於江海焉由是觀之此  
誼敦則感孚自捷此風遍則關係非輕外振吳淞內光江漢下維市井上  
庇國家效果之大轉瞬可期古人之飲鄉而知王道連鄉而肇霸功者益  
信今又亟圖善後不憚諮周鄙人雲適觸桑梓之思愧負芻蕘之採但祝  
志貫始終璞將卒獻見消畛域弓究誰歸無炫技能澤下里陽春為一致  
無差臭味併梗柎杞梓為一科統此紳商咸歸膠漆庶幾乎東道長通孰  
得曰南風不競允矣利協斷金煥然名榮勒石滬旅幸甚吾鄂幸甚

向青杜志雲謹敘

旅滬湖北同鄉會序

楚人於他邑無鄉館無同鄉會可也於上海無鄉館無同鄉會不可也因陋就簡尤不可也豈以上海為冠蓋往來之區中外薈萃之所耶曰不然上海昔為吾楚邊徼之地黃歇舊封歇治水利築城垣故浦江曰黃歇浦邑曰春申皆斯民誌吾楚人之功德也秦漢迄今沿為海疆重鎮清中葉訂通商之約缺舌重譯來賓波斯賈胡出沒其間黃帝堯舜不傳之技巧海外崑崙拾其唾餘易其制度仍貢之赫赫神州帆檣雲連摩肩疊跡以上海為總匯於是極坤輿含齒載髮之儔莫不引其類聚於斯也大矣哉楚人造世之功歷百十世數千年愈久愈顯顧我儕今旅是邦雖欲不奮興不振作而不可得也奮興之振作之從何入手然則藉鄉館以聯契闊之情維鄉會以伸萍聚之雅誼日以重義日以深對外則羣策羣力對內則一德一心行之久持之堅浩大功業未見今人之不如古人也上海一

隅之世界本為吾楚先賢創造之山河故曰上海之鄉館鄉會不容須臾  
懈者此也鄙人旅斯有年今幸

諸先生振臂一呼同鄉會立時告成實獲我心乃喜而書此文之工拙不  
計也

民國四年乙卯季夏武昌幼亭韓本旭

積人而成家積家而成村積村而成井里積井里而成市成縣成府成省  
省也府也縣也井里也村也皆鄉也其聲音同語言同嗜好風尚同禮同  
是以謂之鄉也使鄉之人如上古之世渾渾噩噩各安其居老死不相往  
來固亦甚善然而不能也鄉之人不能無士士也者學成而仕於四方者  
也鄉之人不能無商商也者操其奇贏游都市權子母於四方者也鄉之  
人不能無工工也者自食其力於四方者也鄉之人不能無游宦游宦也  
者擅藝能技術應人之需以求售於四方者也士也商也工也游宦也凡  
散而之於四方者其初皆鄉人也皆所謂同省同府同縣同鎮市同井里  
者也夫此同省同府同縣同鎮市同井里之人散而之於四方其聲音同  
語言同嗜好風尚同禮同一旦遇之其不能漠然無所動於中也必矣上  
海迺通商總滙與湖北為一水之便近數年來鄂僑尤衆今年春同人組  
織湖北旅滬同鄉會以首事者之得人也簡節而疏目不多條教鄉人便



之每當大會之日雖雖肅肅怡然渙然筱村見其聲音語言嗜好風尚禮  
俗之無不同也一若與二三昆季聚話於父母宗族之邦幾自忘其為海  
上游也噫嘻盛矣哉比值暑假期內會長命同人序言且索銅板影照  
以冠徵信錄使讀是書者開卷而指之曰某也質某也文某也才某也藝  
某也急公某也愛羣俾後之人有所觀感或進而益上焉是亦可以傳也  
己乙卯七月黃岡胡筱村撰

合什百千萬之人而生於斯長於斯族於斯謂之鄉合什百千萬生於斯長於斯族於斯之人散而之於四方謂之同鄉合什伯千萬生於斯長於斯族於斯散而之於四方之人而復有以聚之謂之同鄉會然則同鄉會者固合什伯千萬散而之於四方之鄉人而隨時隨地有以聚集之者也雖然聚之有其地聚之有其時而無人以表率之仍不能聚也聚之有其地聚之有其時又有人以表率之而或有倡而無和此應而彼離焉仍不能聚也聚之有其地聚之有其時又有人以表率之附和之而無良法以使之守無感情以使之通雖聚而仍不能久也吾鄂居天下之中長江順流而下朝宗於海商賈之雲集於滬者不可勝數近歲以來海上寓公吾鄂居多數焉鄉人士慮其渙而不能聚紛而不能一也乙卯春相與組織湖北旅滬同鄉會擇租界適中之區為會所取其地之宜也約每曜日三句鐘為會期取其時之暇也訂簡綱二十一條為會章取其法之便也捐


貴賤階級之俗見以示聯絡取其情之通也奉一二學術吏治聲望素著之士大夫為之長取其足以表率羣倫也集十數明達時務勇於辦事之人分之任取其足以收功效於指臂也夫其地宜其時暇其法便其情通其為之長者表率之有方其分之任者合和而無間由此而賡續之擴充之愈奮而愈興再接而再厲為問吾鄂之旅於滬者有輕去其生長聚族之鄉而忘之者邪有散而無紀者邪有玩乎法而恃乎情者邪有率之而不從者邪有不視一鄉如一家而收身使臂臂使指之效者邪有散而聚聚而不能使之久者邪嗚呼吾知免矣比值暑假休息之期會長以議案付手民徵同人序言影照各一以誌其盛昔蜀人留張益州畫像於衆淨寺蘇洵為文以記之其詞曰西人相告無敢逸荒公歸京師公像在堂像

以誌不忘一時之盛焉亦可尚也已漢陽彭選青識

湖北旅滬同鄉會


漢陽彭選青序

寶善堂珍藏



二十世紀商戰競爭歐風東漸波詭雲興東南奧區黃歇之浦廳輪出沒  
島夷雜處巍巍雄鎮是曰武昌順流而下一葦可航吾父吾老吾昆吾季  
互市重瀛於焉一懋敬恭桑梓略分言情組茲嘉會朝夕親承錄事紀辭  
各暢其志撮影鑄銅一堂共契或豐而殺或秀而文或媼其貌而妍其心  
開卷如親鬚眉躍現對影徘徊有以自鑒古稱為山一簣勿虧儂焉中止  
功成反隳功不可隳進不可止衆志成城請自隗始昔在司馬廳事記名  
是非賢否懼在公論毋愧爾形毋慚爾影我為之辭先以自警

漢陽盧濬呈階序



民國四年乙卯春湖北旅滬同鄉會告成擬刊徵信錄以資紀念 會長  
命同人序言 甫敬而序之曰凡人生於宇宙卑獨而孤立未有能濟者是  
不可無羣有羣矣即不可無團結性有團結性則上自國家下至社會可  
和衷共濟以維護苞桑而無土崩瓦解之虞可集思廣益以改良進化而  
挽末俗澆漓之習也我國近數年來外患內亂頻仍加之饑饉薦至水旱  
連年人民之流離於四境餬口於他鄉者比比皆是而曾無人焉以救濟  
之結合之可哀也哉往事不言即如去歲歐戰發生今年中日交涉事起  
華人聲稱提倡國貨以塞漏卮而品物之窳敗如故利權之外溢如故聽  
其言則是問其行則非民心之難結合如散砂然幾令人欲救濟之而無  
從而欲其國之強焉可得耶茲者本會成立諸君或宦游或懋遷既屬鄂  
系即有痛癢相關之切鄙人不德忝在職員敢與諸君一商榷之吾國之  
不發達雖曰經濟支絀無大整頓亦由研究乏人無團結性故也諸君有



學識優長者有閱歷湛深者凡興利除弊之事罄其所長各抒偉論以互相參酌一致進行期於利國福民而止斯得之矣古者四民往往分途而立商自商工自工農自農士自士貴不與賤伍智不與愚羣此大誤也諸君皆同鄉一分子果能一心一德互相敦勉合四民而一之又貞之以毅力恒之以初心俾本會永垂久遠於以固結團體爭勝商場一洗散砂之恥豈但一鄉之榮抑亦全國之幸也若乃徒掛名籍不謀所以自衛之道與夫同情之感則斯余之利一方策之空文而已於義奚取歟謹序李

明甫

題辭

我聞搏黃土埴之為磚甃作室居以安風雨無戚戚又聞金在礦原質如  
散砂鍛鍊出洪鑪錕利稱莫邪凡物有黏性乃利用為器惟人富感情懿  
德尤云備中華黃帝國自古稱文明盛世敦禮讓所務在親親西論倡天  
演人民務團結淘汰與生存昭然若黑白乃知進化理無中外古今惟一  
其心德國力日以膨況二十世紀商戰最激烈自從海禁開華市輒蹉跌  
世風競爭逐旋轉如旋渦但能習水性穩渡風不波又如挽逆船進寸輒  
遺尺志欲爭上流篙師須努力吾楚雄南服地處中華中長江為天塹奔  
湊勢朝東楚水與吳山首尾相銜接一葦茲可杭往來疾於擊乙卯春之  
孟大會集鄂商序尊重齒德少長形俱忘煌煌會長命提倡自隗始實業  
謀振興團結固桑梓桑梓亦已固感情亦已通敘言兼紀事存形圖畫中  
我生愧不文高山徒景仰願祝後來人期期無絕響

廣濟劉祝堯

誌湖北旅滬同鄉會紀事

歲乙卯春正月朔丙子越二十九日甲辰旅滬鄂僑建立同鄉會既崇嘉  
事亦慎令儀或以齒尊或以德尚於是凡百執事咸備增矜榆祀修桑  
梓出誼若忘其身之在客也夏五月壬子以伏息假故列叙時人錄其所  
述事異雲臺圖史以形跡勝題襟冠史以序曰此及壽仰止鄉先進怡  
如也勉進短言效鍾儀楚奏莊烏越吟而已至謂序者縮也隨事以盡  
其實也仁壽側陋寡聞實未能出况復引商刻羽已歌郢曲於篇前不拂  
布鼓雷門聊誌輿圖而書後

湖北省輿圖沿革誌略

仁壽查廣輿記及湖北省志載湖北武昌府為禹貢荊州出域天文  
翼軫分野周夷王時屬楚自楚熊渠封其子紅為鄂王始名鄂渚春  
秋曰夏汭秦屬南郡漢曰江夏三國吳曰武昌吳即郡此劉宋曰郢

州隋唐曰鄂州五代唐曰武清宋曰鄂州元明清均為武昌清為湖北省治領府十直隸州一廳一武昌為首府沿革見前領州一曰興國領縣九曰江夏曰咸甯曰武昌曰嘉魚曰蒲圻曰大冶曰崇陽曰通城曰通山又漢陽府禹貢荊州地域天文翼軫分野春秋郟國地戰國屬楚秦屬南郡漢屬江夏三國屬魏後屬吳唐曰沔州曰漢陽宋廢為縣元明清為漢陽府初領縣二曰漢陽曰漢川旋增領州一曰沔陽縣二曰黃陂曰孝感又劃黃陂漢陽出境增廳一曰夏口又黃州府禹貢荊州地域天文翼軫分野春秋黃國地後屬楚楚徙邾君於此曰邾城秦屬南郡漢曰西陵屬江夏其治在令出黃陂境也故黃陂曰西陵清初劃屬漢陽三國魏為重鎮後屬吳晉曰西陽南畝曰安曰蘄州隨曰永安唐曰黃州元隸河南清為黃州府領州一曰蘄州縣七曰黃岡曰黃安曰蘄水曰羅田曰麻城曰廣濟曰黃

梅又鄖陽府禹貢荆豫二州出域天文翼軫分野古麋國地春秋屬楚為錫穴漢為錫縣隨曰鄖鄉唐曰南豐曰浙州宋為均州元為鄖縣明初為隨州屬襄陽府成化時陞為鄖陽府清曰出領縣六曰鄖縣曰竹溪曰保康曰房縣曰鄖西曰竹山又襄陽府禹貢荆豫二州出域天文翼軫分野周為穀鄧生地春秋屬楚秦漢屬南郡三國魏曰襄陽晉曰荊州東晉曰雍州西魏曰襄州隨曰山南唐宋元明清均曰襄陽府領州一曰均州縣六曰襄陽曰棗陽曰光化曰南漳曰宜城曰穀城又安陸府禹貢荊州域天文翼軫分野春秋戰國屬楚曰郢中秦屬南郡漢曰雲杜今曰竟陵三國魏曰郢州梁為南司北新二州出域西魏曰安州曰温州後周曰石城唐曰京山曰富水元曰安陸明初為安陸州嘉靖時陞為承天府清改為安陸府原領州二曰沔陽曰荊門沔陽劃屬漢陽府荊門陞為直隸州仍領縣四曰

鍾祥曰京山曰天門曰潛江又荆門直隸州本屬安陸府清陞直隸  
州劃安陸府土當陽縣增縣曰遠安屬土又德安府禹貢荊州土域  
天文翼軫分野周職方氏荊州澤藪曰雲夢即此地春秋鄆子國秦  
屬南郡漢屬江夏劉宋曰安陸西魏曰安州後周曰鄆州唐曰安黃  
五代曰宣威曰安遠宋曰德安元隸黃州府明初改為州仍隸黃州  
後陞為德安府清因土領州一曰隨州先領縣五孝感劃屬漢陽仍  
領縣四曰安陸曰雲夢曰應城曰應山又荆宜兩府均禹貢荊州土  
域天文翼軫分野春秋為楚郢都秦拔郢置南郡漢曰臨江曰荊州  
三國初屬蜀漢後屬吳晉曰新郡梁元帝郢此隨唐曰泛陵曰南郡  
宋曰荆南元曰中興明為荊州府清初因土旋分為兩府荊州府領  
縣七曰江陵曰公安曰石首曰宜都曰監利曰松滋曰枝江宜昌府  
領州一曰歸州領縣五曰東湖曰長陽曰興山曰巴東曰長樂又施

南府及鶴峯直隸廳本施州衛軍民指揮使司轄禹貢荆梁二州土域天文翼軫分野春秋戰國屬楚秦屬黔中漢屬南郡三國吳曰沙渠晉曰夜郎後周曰亭州曰清江隨曰庸州曰施州唐曰清化宋元屬四川明置施州尋省州入肅清初曰土族陞為施南府領縣六曰恩施曰宣恩曰來鳳曰咸豐曰利川曰建始令廢府存道改州為縣湖北分為三道曰江漢道駐武昌改江夏為武昌壽昌為鄂城興國為陽新蘄州為蘄春夏口易廳稱縣餘仍舊以武漢黃德四府二十九州縣屬土曰襄陽道駐襄陽縣以安襄鄖三府及荆門直隸州二十州縣屬土曰荆南道駐宜昌縣改東湖為宜昌長樂為五峯歸州為秭歸鶴峯易廳稱縣以荆宜施二十州縣屬土按湖廣地勢雄傑忠孝代出清初置偏沅巡撫尋改湖南巡撫分為兩省而武昌重鎮上控兩粵下制三吳荆州當巴蜀土衝鄖陽綰商陝土要若夫今日



出鉄軌連雲帆檣蔽日萬方幅湊又何其盛也而踵事增華方興未艾撫輿圖出沿革能無感慨斯文至謂吾鄂人物風俗土產流宦堂皇典麗史有專書未遑漫錄

跋

仁壽幼孤貧夫學行年十四尚事龔蘇尋服賈於皖納粟入官晨衙聽鼓頻遭嘲笑走泉出幸始入法政憤而求學然講台所授課程遠不及兒時先王父膝前所訊句讀新學輸入凡格致化驗製造皆無成績僅一種海外春華詞章俚句無處不見亦未嘗不是文字出厄也予嘗願減衣縮食集合同志崇尚古文用惠學子此生平出願也辛亥出沒奉重慈於海上避世不遑何暇謀他鄉多士乃物色及出以旅滬同鄉會事屬步趨諸鄉先生後予鄂人也旅皖三世言語習俗與皖同不自知其為鄂也平日與皖多親未幾與皖多訟皖多以予為鄂也親其親子訟大負始悔尋

常不親桑梓出誤至于斯也乃願力敦鄉誼以身作則無如各有心士各有志即使如來說法大千世界亦難共證菩提也何況僅一瓣心香欲祝慈航普渡無恠乎至令亦未能出此又生平出願也故於蓬廬息影時遭諸鄉先生命效侏儒觀場乃幸眾志成城羣策群力嘉會竟舉萬眾一心復抒偉論立言以垂不朽出功較出曩日如秦人出視越人不啻霄壤此皆旅滬建議諸鄉先生鄉望素孚草從風偃出所致也逮十五會功成圓滿各有序序各有所表揚子思旅滬鄉友士敦親親出誼傳盛於前章美於後當以此次歷古未有出同鄉會為水出源木出本也然亦文章事實均已兼備似略有待補者祇鄂省輿圖沿革未經道及耳曰文與蹟不相叫應故也細閱首篇冠以武昌省圖次黃鶴樓圖次晴川閣等圖又焉可不敘輿圖類夫數典忘祖乎子故簡其序文亦贅以湖北輿圖誌略實子出不文藉以藏拙非敢異於群倫也大概抄襲輿圖記及省志兼

參近事拉襍而成乖誤不免甚多百在鄉人士早已明於指掌故不必災  
請梨棗第紀事出刊原欲善誘後進開卷展讀知所沿革於中必以下或  
微有補助焉讀鄉人士序事出文引經據理篇上大雅我所難能知國粹  
出仍在也此平生出願何可慰者也觀鄉人士聚會出時汎眾親仁藹  
可近心所敬止知古誼出猶存也此生平出願又可慰者也凡事鼓一時  
出豪興易垂久遠出規模難予行將奉親歸養農家况味難不及海且風  
華而吟嘯烟霞平章泉石足自娛也惟一旦索居神馳故舊不免更勞魂  
夢耳如果斯會長存與時俱進好音吹到當於戲綵堂前喜躍三百其自  
外者當以予曩日親出鄉自棄其鄉貽戚為鑑此所謂既勉來者行自  
勉也伏願鄉父老昆季出同此心上同此理俾我遠近鄂僑同鄉會與河  
山同壽日月同光庶不負臨岐贈言者出無限依上也

時旃蒙單闕孟秋出吉黃陂胡仁壽召南倚裝撰

徵信錄附

議

案

上海湖北同鄉會會場沿革記

第一次開會召集同人在五馬路公順里萬順  
豐劉萬青處第三次開會由本會賃租四馬路  
麥家園慶雲里六十號房屋為會場第十五次  
暑假辦事在法界德銘里泰順合易君楠楨處  
第十六次會由韓君幼亭擔認以金隆街長餘  
里四十七號韓復祥號中餘宅為永遠會場諒  
為補助租金

本會同人公誌

民國四年乙卯正月十九日第一次開會

一請陳二公酌定會啟會章

先是韓君幼亭謂汪君逸民曰曩者同人屢議組織同鄉會徒以此間官商截然分為兩界非有大聲望者為之長難於集合非有才識宏通不避勞怨勇於辦事之人為之副即集合亦難於持久以故旋議旋輟終未見之事實今觀同鄉人才濟濟商業日見發達似無以上諸慮實行組織殆其時乎予試為啟吾將商之同人以覘意嚮其毋辭逸民許諾藁既脫隨即持商易君楠楨陶君理堂胡君召南彭君選青劉君搢三劉君萬青劉君祝堯諸君子皆是其言願任發起又得胡君召南所為簡章二十條書於啟後就政於陳仁先關炯之兩先生略加潤色遂定議於月之廿九日在萬順豐劉君萬青處開第一次會

一舉會長

是日開會羣賢畢至少長咸集極一時之盛用投票選舉法關君炯之正會長陳君仁先名譽會長胡君召南陶君理堂副會長當由關君宣言曰鄙人對於本會第一有希望意第二有互勉意何謂希望外人譏中國如散砂謂其自私自利無

團結性故也。今吾同鄉會以生長居處之關係而引動其敬恭桑梓之心。凡在同  
人皆當盡一分子之義務。人人盡一分子之義務而羣合矣。由合羣而愛羣。由愛  
羣而犧牲其自私自利之心。以就吾羣之公益。而羣之團結固矣。羣之團結既固  
有破壞吾羣者。則合羣力以捍衛之。屏去之。始而合一鄉。為一羣。既而合眾鄉。為  
一羣。又繼而合四方之人。為一羣。羣之範圍愈大。其魄力愈雄。其自治力亦愈厚。  
散砂之聚。吾知免矣。如是雖謂全國之團結。自吾今日同鄉會發之可也。此某所  
希望於本會者也。何謂互勉。吾人既合一鄉。為一羣。則必推夫前此所以難合之  
故而研究之。使先有以去其障礙。而後融合之。而無間障礙。維何。勢位之懸殊。智  
愚賢否之不一而已矣。一鄉之中。不下數十萬人。就旅滬同鄉而論。亦不下數萬  
人。有在上位者。有在下位者。有智者。有賢者。有愚不肖者。上焉者不肯俯而就。下焉  
者不敢仰而企。賢者以清流自命。不肖者以下流自居。於此而無以溝通之。將終  
古不可合併。安望其能合羣耶。今吾以同鄉會為名義。則當略分言情。不以天之  
待我厚而薄待乎人。不以道之積我躬而輕視乎物。濟其急難。牖其愚蒙。友助扶  
持。皆當視為分內事也。若夫興學校以宏造就。振實業以裕財源。平內訌以化閩

牆防外侮以衛桑梓範圍雖廣隨時隨地盡吾力之所能為者以赴之人人存此  
心亦不難達到目的此某所願與諸君互相勉勵者也鄙人從政海上十餘年以  
簿書旁午之故未獲與諸君子時相過從一旦舉為會長慮有情形未能融洽反  
負同鄉盛意且身為執法之官尤恐多所妨碍請另選賢能以專責成至於以上  
所云鄙人即不為會長亦當與諸君子身勉而力行者也云云次由胡君召南宣  
言謂鄙人自辛亥以還虎口餘生流寓海上不求聞達同鄉會為一省觀瞻以德  
以才以齒鄙人皆未敢當選陶君理堂陳君仁先亦復謙退者再旋經全體表示  
同情以為既經鄉人選舉有義務而無權利當選者當然承認眾意咸同即爭鄉  
望無庸謙讓四君乃擔任臨時之職眾鼓掌歡迎議遂定

### 主議

陶理堂  
韓幼亭  
彭選青  
易楠楨  
胡召南  
汪逸民



二月初六日第二次開會

一舉文牘長

衆議以汪君逸民主任會啟起草足見熱心應所舉為文牘長以專責任汪君以義無可辭允之

一議刊會啟會章

會啟會章既就政於關陳二先生由胡君召南發刊胡君自認刊資不取公費

主議

韓幼亭

陶理堂

胡召南

易楠楨

劉萬青

彭選青

二月十三日第三次開會

一舉職員

由會長宣言以本會成立除文牘已舉定汪君逸民外亟應選舉職員分科辦事以符會章於是公舉易君楠楨為正幹事劉君措三陳君農先胡君召南盧君星階胡君小村劉君漢濱為幹事彭君選青為正評議劉君萬青劉君祝堯杜君向青李君明輔徐君金山孫君植品李君爵五為評議韓君幼亭為正理事劉君萬青易君文齋為會計劉君奎臣為正庶務蕭君海洲為庶務

### 一舉調查員

胡君召南韓君幼亭言滬上鄂僑甚多耳目難於普及當從調查入手應於各幫各業中各舉一人為調查員方不致散漫無稽易於進行若業大人多者一人之力不給酌添二三人亦可總以詳盡為要

劉君措三言政界亦當調查於是公舉陳君農先為政界調查員劉君措三為商界調查員高君裕亭彭君春舫為普通調查員

### 一議廢棄職權之限制

凡以上所舉職員有逾三次不到會者即為放棄職務應取銷其所舉之職一酌定戳記請案等式

議定式樣後由正庶務劉君奎臣主任發刊

一議吳戒三函招赴會

日本留學生吳戒三因外交事來函招員入會眾議本會為純粹聯絡鄉誼凡範圍以外之事概不預勿庸赴會

一議勸用國貨會函招入會

眾議事關提倡國貨不得推辭公推彭君選青汪君逸民赴會若籌經費量力捐助之

主 議

胡召南

關綱之

陳仁先

陶理堂

二月二十日第四次開會

一議截止臚入發起贊成時期

胡君召南陶君理堂言本會已開四次會章宣佈後即造一覽表發起贊成有願

署名者請簽入此後即當截止云

一錄副長胡君之演說

胡君召南言自本會成立以來入會者爭先恐後本會非常榮幸但鼓一時之興易垂久遠之基難務望在會各員始終一律同聲相應同氣相求勿始勤終怠則幸甚眾聽其言

二月二十七日第五次開會

一佈告入會宗旨

由職員會提議本會以敦鄉誼互相維持為宗旨無論何界之人確守本會會章者為完全會員如有逸出範圍以外之事會中概不負責任其願入會者須得兩人以上之介紹方准給予證書不得恃入會為護符在外多事自取咎戾云

一議編議案送會長蓋章

胡君召南提議凡會議各件請文牘長汪君逸民編成議案送會長關君綱之陳君仁先蓋章以重要公此後僅開職員會計議進行有特別事然後開全體大會眾均贊成

三月初五日第六次開會

一議函復程君慎修

陶君理堂報告葆和祥程君慎修因移駐漢口請辭會館值年暨本會事應討論  
韓君幼亭言程君在滬有年於會館公益多所贊助此次回漢本會亦有關係應  
慰留同時易君楠楨劉君祝堯劉君萬青亦表同情遂由汪君逸民照所議函復  
程君否認所請程允之

一開示工黨

有工黨某報稱浦東鄉人頗多日以傭力為活甚大開通捐費入會殊難勸導云  
云胡君召南起而開示之曰頃所報告未明入會宗旨本會非勸捐更非強人入  
會無非聯絡鄉誼兼含自衛起見譬如鄂僑不在會而受外侮含冤莫訴者本

主議

胡召南

關綱之

陳仁先

陶理堂

會調查理由充足亦當為之伸雪本會只問理由之是否不問在會與不在會及其人之貴與賤也某唯而退

主議

胡召南  
關綱之  
陳仁先  
陶理堂

三月十二日第七次開會

一議辦證書

由職員提議趕辦證書以全入會手續

一議救國儲金

汪君逸民報告救國儲金團來函勸儲劉君萬青提議通電漢口商會鼓吹進行喚醒鄂人愛國之心易君楠楨言通電措詞務宜純正眾贊成

主議

胡召南  
關綱之  
陳仁先

三月十九日第八次開會

一議提振精神

胡君召南言職員要有責任要時時提振精神方能任事譬如一家有兄弟數人各執一事或官或商或農或工為官者精神專注於官其官聲必好為商者精神專注於商其商利必厚為工者精神專注于工為農者精神專注于農其工藝必精其農收必豐如此而家未有不興者同鄉會猶一家也會中職員或理事或幹事或評議或文牘或會計自會長以至庶務莫不各負責任各振精神以期無忝厥職如此而本會有不發達者亦未之有也至於會期無論人多人少多至數千人可開會少或六七人亦可開會藉以互換智識聯絡感情一室晤言較之各自為謀如秦人之視越人相去不可以道里計也如謂有事則開會無事則不開會人多則開會人少則不開會精神一散類情隨之將見如火如荼之同鄉會不數星期而煙銷雲散矣又何必多此一番組織哉書曰慎終如始又曰靡不有初鮮克有終吾人勿忽視此語會事方可望發達某謂宜提振精神者此也說畢眾鼓掌

一定證書收條各式

由劉君搢三酌定證書收條各式付正庶務劉君奎臣辦理

胡召南

主議

關綱之

陳仁先

陶理堂

三月二十六日第九次開會

一歡迎王君福堂

王君福堂黃陂王仲魯岡人也家世儒前清張端二公督鄂時倡練陸軍王君年十四五投筆入將弁學堂肄業拔充軍官辛亥冬民軍起義君率勁旅登先臨陣首入金陵城克之後勦皖匪有鉅功任安武將軍副官長軍法處長等職茲因公來滬走謁本會本會歡迎之

一為儲金事函復劉君萬青

劉君萬青為儲金事函致本會勸儲眾議函復事關愛國本會應如函辦理俟集有鉅數即當彙送該團云云



四月初三日第十次開會

一議通函各省湖北會館佈告本會成立

由職員會提議上海為我國通商樞紐本會應將開會情形佈告各省各埠同鄉會聯為一氣眾贊成請汪君逸民起草

一擔任救國儲金

本會職員踴躍認捐者居大多數與申漢儲金團暨商會往來函件甚夥不贅錄

主議

胡召南  
關炯之  
陳仁先  
陶理堂

主議

胡召南  
關炯之  
陳仁先  
陶理堂

四月初十日第十一次開會

一 審查察一覽表

胡君召南報告職員一覽表樣張已刊請審察是否通用眾通過

一 發收券

以一號至百號付韓君幼亭以二百一號至三百付汪君逸民以三百一號至四百付劉君萬青徐君金山以一百一號至二百付杜君向青李君明輔以五百一號至六百付劉君耄臣馮君鑑堂以六百一號至七百付關君綱之陳君仁先以八百一號至九百付易君楠楨劉君措三盧君呈階劉君祝堯以九百一號至千號付陶君理堂

主議

胡召南  
關綱之  
陳仁先  
陶理堂

四月十九日第十二次開會

一 討論吳某報告偽票事

陶君理堂因吳某來函言及家鄉頗受偽造湖北官錢局偽票之害渠所目擊擬將吳信暨傳單重印千張送各幫俾有所知以杜其害并登報三日囑吳來會館詳陳一切情形以便徐備善後之策

易君楠楨議以同鄉會名義函告會審公解請各領事各職員將已獲此項案件澈底根究以保商民而維市面衆贊成一議儲金團請舉幹事

本埠儲金團來函請本會選舉副幹事兩員以資襄助由劉君祝堯宣言舉胡君召南劉君措三劉君力辭迺改舉韓君幼亭胡君宣言謂既承諸君謬舉原不敢辱鄉父老之命但到該團之後設有為難事件或與他省比較有萬不可退後者請鄉父老勿令鄙人蒙食言之羞須先慎之於始俟下次開會再付表決若草率從事即請另舉賢能云云

主議

胡召南  
關綱之  
陳仁先  
陶理堂

四月二十四日第十三次開會

一 函復儲金團

由職員會將前舉胡君召南韓君幼亭為儲金團副幹事議案付審察卒如胡君所要求通過由汪君逸民函復該團

主議

胡召南

關綱之

陳仁先

陶理堂

五月初一日第十四次開會

一 清理手續

由副會長胡君召南宣言凡會中以前各節均擬料理清楚勿紊亂勿遺漏以清手續

一 定休息時期

以十五會後為休息時期暫行閉會閉會禮由會長酌定之

五月初八日第十五次開會

一徵序跋暨影照

會長宣言謂本會發起贊成諸先生煞費苦心應徵鴻夫并錫玉照製為銅版付之石印留為永遠紀念庶不負創始之盛意眾贊成

一刊議案暨徵信錄

會長宣言將此十五次議案編成紀事撮要刪煩存其實在其會員并特別捐以及開支等項刊入徵信錄公佈週知以照大信眾贊成旋由胡君召南領各會員行閉會禮禮畢遂散會

王議

胡召南

關絅之

陳仁先

陶理堂

胡召南

主議

關絢之

陳仁先

陶理堂

為旅滬同鄉會成立通告京漢宜沙各處稿

蓋聞國勢之盛衰造端於人心人心之聚散默運於社會同鄉會者就社會渙散之人心而集合之整齊之使自成一小團體以植一國大團體之基礎者也集之齊之之術奈何一曰通其情一曰順其勢吾華自古為農國今漸化為商戰之國其居乎商之上者則為官其居乎商之下者則有工不通其情則官自官商自商工自工劃肝膽為秦越毋怪乎官之輕商商之輕工呼號痛癢之不相關也商之勢上易與官接下易與工接不通其情仍官自官商自商工自工毋怪乎工之病商商之病官抗稅罷工之日有所聞也夫上下之情不通其弊至於如此嗟乎人心渙散國亦隨之觀於清季可不慟哉然則於何通之曰以同鄉會通之以商界之同鄉會通之何也鄉也者具天然之依戀性商也者具天然之交易性也惟具依戀性故富貴不忘乎桑梓惟具交易性故山海不隔於梯航有此二因其情易通其勢亦易合遠見之

士乘其機而利導之就繁盛之區為聯合之地而縣而府而省而鎮而交通各埠奔走呼號聲應氣求不翼而飛不脛而走此數年間所以同鄉會之名義徧見於二十世紀之中國也上海為通商巨埠吾鄂之商於是者實繁有徒近歲以來政商各界寓公尤夥乃各屬皆有同鄉會而吾鄂獨付闕如同人恥之乙卯仲春經同人等發起組織湖北旅滬同鄉會暫訂簡章二十一條以聯鄉誼融隔閼促進化為宗旨凡官商軍學工界皆與焉絕不干涉行政範圍並嚴為取締非品行端正確有執業者不得入會曾壽等辱同人以公益相責望義無可辭勉充臨時會長懼不勝任謹師法集思廣益古訓徵求吾鄂全體意見將暫行簡章若干份函寄

貴會館乞代分送

各界諸鄉先生繩端而斧政之凡有未善之處務求止於至善並望此後時錫

箴言鼎力維持以振精神以促進步俾此一小團體不至貽一國大團體之羞是為厚望肅此佈達敬請

台安鵠候

教誨

鄂僑旅滬同鄉會會員徵信錄

- 一收關綱之先生洋拾員
- 一收胡召南先生洋拾四員
- 一收陶理堂先生洋拾員
- 一收易楠楨先生洋拾四員
- 一收韓幼亭先生洋拾四員
- 一收劉措三先生洋拾四員
- 一收汪逸民先生洋拾員
- 一收劉萬青先生洋拾四員
- 一收彭選青先生洋拾四員
- 一收蕭海洲先生洋拾四員
- 一收劉漢濱先生洋拾四員
- 一收胡小村先生洋拾貳員
- 一收曹東川先生洋拾貳員
- 一收趙貢之先生洋四員
- 一收盧星階先生洋拾四員
- 一收李海林先生洋貳員
- 一收曹正川先生洋貳員
- 一收曹玉田先生洋貳員

陶鴻鈞

陳曾壽

關炯

等謹啟

胡仁壽



一收劉祝堯先生洋拾四員  
一收李明輔先生洋拾四員  
一收劉奎臣先生洋拾貳員  
一收杜向青先生洋拾四員  
一收孫植品先生洋拾員  
一收吳尊五先生洋拾貳員  
一收徐金山先生洋肆員  
一收胡鳳珊先生洋貳員  
一收胡蔭珊先生洋貳員  
一收胡勉伯先生洋貳員  
一收馮鑑堂先生洋貳員  
一收陳仲簡先生洋貳員  
一收王酉階先生洋貳員  
一收王少巔先生洋貳員

一收梅叔山先生洋貳員  
一收孫松年先生洋貳員  
一收楊敬麓先生洋拾員  
一收劉竹青先生洋貳員  
一收黃映奎先生洋貳員  
一收高和生先生洋貳員  
一收楊開垣先生洋貳員  
一收高楚材先生洋貳員  
一收項福臣先生洋貳員  
一收戴燮山先生洋貳員  
一收李爵五先生洋肆員  
一收劉榮丞先生洋貳員  
一收羅彥之先生洋貳員  
一收金錫哉先生洋貳員

- 一收趙佩之先生洋貳員
- 一收朱新甫先生洋貳員
- 一收程鵠墀先生洋貳員
- 一收張瑤琨先生洋貳員
- 一收杜祥茂先生洋貳員
- 一收王少田先生洋貳員
- 一收李鳳如先生洋貳員
- 一收張銳臣先生洋貳員
- 一收李敬臣先生洋貳員
- 一收李少榮先生洋貳員
- 一收樊芹香先生洋貳員
- 一收蕭樹青先生洋貳員
- 一收姜惠卿先生洋貳員
- 一收許燮五先生洋貳員
- 一收陳虞卿先生洋貳員
- 一收余壽軒先生洋貳員
- 一收劉柏籌先生洋貳員
- 一收郭香亭先生洋貳員
- 一收李珪欽先生洋貳員
- 一收嚴森泰寶號洋貳員
- 一收嚴仲珊先生洋貳員
- 一收陳廣順寶號洋貳員
- 一收蕭純卿先生洋貳員
- 一收黃至哉先生洋貳員
- 一收張吉齋先生洋貳員
- 一收徐鶴笙先生洋貳員
- 一收嚴文卿先生洋貳員
- 一收曾俊三先生洋貳員

一收李錦章先生洋貳員  
一收蔡香圃先生洋貳員  
一收胡介珉先生洋貳員  
一收張玉階先生洋貳員  
一收尹南軒先生洋貳員  
一收文明山先生洋貳員  
一收文壽山先生洋貳員  
一收李春甫先生洋貳員  
一收田雲渠先生洋貳員  
一收田有章先生洋貳員  
一收朱壽臣先生洋貳員  
一收曾鳳岡先生洋貳員  
一收易文齋先生洋貳員  
一收徐繡庵先生洋貳員

一收劉炳元先生洋貳員  
一收梅向成先生洋貳員  
一收夏玉卿先生洋貳員  
一收傅煥章先生洋貳員  
一收樊月卿先生洋貳員  
一收曹少谷先生洋貳員  
一收劉仁山先生洋貳員  
一收戴壽廷先生洋貳員  
一收盛泉之先生洋貳員  
一收楊俊維先生洋貳員  
一收李品山先生洋貳員  
一收宋季久先生洋壹員  
一收汪益卿先生洋壹員  
一收陳定生先生洋壹員

- 一收熊壽安先生洋貳員
- 一收戴敬夫先生洋貳員
- 一收彭樹滋先生洋貳員
- 一收蘇晉卿先生洋貳員
- 一收馮朗山先生洋壹員
- 一收彭梅生先生洋壹員
- 一收周和順寶號洋壹員
- 一收嚴開泰寶號洋壹員
- 一收嚴瑜珊先生洋壹員
- 一收楊立富先生洋壹員
- 一收張廷瑞先生洋壹員
- 一收黃同武先生洋壹員
- 一收黃同萱先生洋壹員
- 一收黃幼堂先生洋壹員
- 一收楊海山先生洋壹員
- 一收彭春舫先生洋壹員
- 一收嚴鶴笙先生洋壹員
- 一收嚴信泰寶號洋壹員
- 一收彭泰昌寶號洋壹員
- 一收張炳卿先生洋壹員
- 一收劉樹棠先生洋壹員
- 一收周昌炳先生洋壹員

以上共壹佰二十五位計捐洋四佰五拾捌員整

開支項下

一付謗齋茶房洋壹百三十八元四角五分

一付司書薪水 洋拾貳員正 兩個月

一付筆墨賬簿 洋五員正

一付職員表 洋捌員五角

一付請單 洋壹員正

一付信紙信封 洋拾四員正

一付拍電致漢總商會 洋玖元陸角正

一付拍電漢團聯合會 洋八元五角貳分

一付譯電費 洋一元八角二分

一付汪車馬費 洋五拾員正

一付公請 李紫雲先生 洋貳拾九員七角

共計支出洋貳佰四拾貳元五角八分二釐

收付兩抵仍存洋貳佰拾五員四角壹分八釐

一付提存備印徵信錄洋壹百員正

仍存洋壹百拾五員四角壹分八釐

上海湖北同鄉會紀事書後

陶理堂先生忠信篤敬人也寓滬三十年慨夫鄉人旅是邦者各自為謀首唱同鄉會之議凡熱心君子皆從而和之自清初之齊安會館通商後之省會館以迄於今未有之盛會一旦竟舉故十五會息假之時同人議刊紀事以垂久遠首列會啟簡章者誌始也次武昌圖者記根本也次黃鶴樓圖晴川閣等圖者崇古跡也惟一存一亡有無限感慨耳次上海湖北會館圖者意在重修也次徵像付印者資觀感勸將來也次錄序文者各言其志也次述議案者去繁就簡存實也次載徵信錄者表彰在事職員純屬急公好義起見也次自會長及職員會每年選舉一次者均勞逸也次同鄉紀事亦每年刊印一次者庶文獻有徵也有身居他埠而於本會列名者是其產業經營在滬不分彼疆此界也見公益而遠之者幸本會無其人也至誠用事不求聞達乃盡心本會而紀事竟誤有遺漏者下


會刊印紀事時必表而出之不沒其善也仍有會員台銜未及錄者亦俟  
下會補而述之也至於鄙人已累牘於前復謬書於後者何也實望後日  
同鄉會紀事復刊有後人學我之書後也復望一刊再刊刊之不已又有  
後人效學我書後之後人而復書其後也一書再書書之無窮不亦快哉  
時乙卯十月二十八日庚午夜偶聞轟聲甚巨不能成寐起而書此

黃陂胡仁壽再記

淡清根 杰 甘草 小兒 煎 氣 方



十一日  
中九  
收洋州元絲三兩  
手



37-210



每担	1.20
每担	1.20